

TE HENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 3

Mati, 1920

Mat. 14.

Ia tae i te reira mahana e iteahia ai te tama'i, e te roo tama'i, e aueue hoi te ao atoa nei, e aehuehu hoi te mana'o no te taata, e parau hoi ratou e e maoro te Mesia e tae mai ai e e tae noa atu i te hopea no te ao nei. E toaruaru hoi te mana'o no te taata, e tupu hoi te ino i te rahiraa; e ia ô mai te taimé no te Etene, e maramarama te tupu mai i rotopu ia ratou o te parahi i roto i te pouri, o te yraa hoi te reira no ta'u evanelia: aore râ ratou i farii mai, aore hoi ratou e ite na i te maramarama, e ua farii ê to ratou mau aa'u ia'u no te haapiiraa a te tautā; e ia tae i te reira ui te taimé a te Etene e hope ai, e tia mai hoi te taata i te reira ui o te ore e mou, ia ite râ ratou i te pohe rahi i te haapurara-raa-hia, e pohe haumou hoi te tupu mai i nia i te fenua nei; e tia maira to'u mau pipi i te mau vahi mo'a, e ore hoi ratou e aueue; i rotopu râ i te feia rave hara, e faateitei te taata i to ratou reo mai te faaino i te Atua, a pohe atu ai. E tupu atoa hoi te aueuerā fenua i tera vahi e i tera vahi, e te pau rahi hoi; e faaetaeta râ te taata i to ratou mau aa'u ia'u, e rave hoi ratou i te o'e ratou ratou iho, e taparahi hoi ratou te tahi i te tahi iho.

TE TUPU NEI TE MAU PARAU TOHU A TE MÂÛ PEROPHETA.

E tia roa ia tatou ia haapii na mua i te auraa o te parau "ui", hou a'e i nehenehe ai ia tatou ia ite i te tau e tupu ai te hoê mau parau a te Fatu. Te na ô maira te peropheta

Nephi e, "E ua parau maira te melahi ia'u, A hi'o na! Hi'o atura vau e ite atura i na ui parau-tia e toru i te mairiraa mai; e ua teatea to ratou ahui mai to te Arenio a te Atua ra. E ua parau maira te melahi ia'u, Ua teatea teie i te toto o te Arenio no to ratou ra faaroo ia'na. E ua ite atoa vau, o Nephi, i te mau taata e rave rahi o te ui maha ra i te pohe-raa ma te parautia." 1 Nephi 12:11-12.

O Alama te tahi peropheta Ati Nephi o tei ite orama atu i taua mau mea ra. Te na ô maira oia e, "Inaha, te ite nei au na roto i te Varua o te parau heheu tei roto ia'u nei e, e hope a'era te maha hanereraa o te matahiti i muri a'e i te tau e faaite mai ai Iesu Mesia ia'na iho ia ratou ra, e pohe ia teie nei feia, o te ati Nephi, i te faaroo ore. — — — E parau atu vau ia oe na, no te mea e hara ratou i te maramama rahi e te ite hoi; oia ia, e parau atu vau ia oe, ei taua mahana ra, e ore hoi e hope te ui maha ra i te pohe, e tae mai ai taua ino rahi ra." Alama 45:10.

Ua faaite atoa hoi o Iesu iho i taua mau mea ra; te na ô maira oia e, "Inaha râ, e mihi to'u no te ui maha i muri nei, e aratai-titî-hia hoi to reira e aua, mai te tamaiti a te pohe i arataihia ra." III Nephi 27:32.

Te faaite mai ra te peropheta Ati Lamana, O Samuela e, o taua na ui e maha i parauhia i nia nei, e maha hanere matahiti ia, No reira, mai te au i ta'na faaiteraa, e hoê hanere matahiti, hoê ui ia "E ore e mairi na matahiti e maha hanere, e faatia vau ia tairihia ratou; oia mau, e rave au ia ratou i te 'o'e, e te 'o'e e te mau ma'i."

Oia mau, e riro au i te rave ia ratou i tau riri u'ana, e e ora te tahi pae o te ui maha o to outou ra mau enemi, o te ite i to outou pau roaraa; e tupu mau hoi teie, ia ore outou ia tatarahapa, te na reira maira te Fatu; e to te ui maha ra e rave ia outou e ia pau roa." Helamana 13:9-10.

To Iesu mau tohuraa no te hiero e te oire Ierusalem, ta'na i parau e, "E tupu i teie nei ui", ua tupu ana'e ia

hou a'e te hanereraa matamua o te matahiti i muri iho ia'ua i pau ai.

E no reira e nebenehe ia tatou ia parau e, e hoê hane-re matahiti, o te auraa ia no te parau "ui" i roto i te mau parau tohu.

Teie te hoê mau parau i tohuhia e Iakoba, o tei riro ei mono no to'na ra tuaana Nephi i te faatereraa i te ohipa a te Fatu i rotopu i te Ati Nephi. Te na ô maira oia e, "Inaha, e riro teie fenua ei fenua a'ia no outou; e e haamaitaihia te mau Etene i nia i te fenua. E e riro teie nei fenua ei fenua tiamâ i te mau Etene, e e ore e vai te mau arii i nia i te fenua, o te tupu i rotopu i te mau Etene. E e faaetaeta au i teie nei fenua i te mau fenua atoa. E o te tama'i ia Ziona, e pohe ia oia, te na reira maira te Atua. O tei faatia hoi i te hoê arii ia'u ra, e pohe ia oia, no te mea, e riro vau, te Fatu, te arii o te ra'i, ei arii no ratou; e riro vau ei maramarama ia ratou i tei faaroo i ta'u ra parau, e a muri noa'tu." II Nephi 10:10-14.

Tei roto hoi i te Buka a Etera te hoê mau parau no taua mau mea ra. Te na ô maira taua parau ra e, "Inaha, e fenua maitai teie, e te feia e roaa ia ratou te reira, o te feia ia e tiamâ i te tapearaa e i te tâtîraa, e i te mau hau atoa i raro a'e i te ra'i, ia tavini ratou i te Atua o te fenua, oia hoi o Iesu Mesia." Etera 2:12.

E rave rahi te arii o te vai mana noa i nia i te fenua America, hou te tau no te taeraa mai o te mau etene i reira. Aita râ te hoê noa iho taata i arii noa i reira i muri mai i te tau no te etene. E parau mau râ,ua tamata te hoê mau arii i te faatupu i te hoê mau basileia i reira. Ua manuia râ anei? Eaha to ratou ra hopea? Ua orure-hau te mau huiraatira o taua mau basileia i teie mau arii ra, e ua taparahihia te tahi e ua tiavaruhia te tahi i rapae i to ratou ra fenua ai'a.

E au mau hoa here, e ere anei te Buka a Moromona "Te

parau mau no roto i te fenua''? E ere anei ia i te mea tia ia parau e, e peropheta mau o Iakoba, e e peropheta mau hoi o Iosepha Semita. Oia mau ia. Na roto i to Iosepha Semita itoitoe to'na ra hinaaro i te parau mau, ua noaa mai taua mau haapiiraa ra ia tatou nei.

I roto i te hoê heheuraa i horoahia mai ia Iosepha Semita i te matahiti 1831, te na ô maira te Fatu, "E ia ô mai te taima no te Etene e marama te tupu mai i rotopu ia ratou o te parahi i roto i te pouri, o te îraa hoi te reira no to'u evan- elia; — — — e ia tae i te reira ui te taima a te Etene e hōne ai; e tia mai hoi te taata i te reira ui o te ore e mon, ia ite rā ratou i te pohe rahi i te haapuraraahia, e pohe haamou hoi te tupu mai i nia i te fenua. B. F. S. 45: 4.

I roto ia Mati, i te matahiti 1829, te na ô mai ra te Fatu e, "E pohe rahi ri'ari'a te tae atu i rotopu i te taata o te ao nei, e e riro hoi ia i te nini pinepinehia mai i tera tau, e i tera tau, ia ore ratou ia tatarahapa, e tae noa'tu i te ano-roa raa o te fenua nei e ia haamouhia te taata, e pao roa atu i te anaana no ta'u taeraa mai." B. F. S. 5: 3.

Ua tupu mau te hoê vaehaa o taua na parau tohu e piti i nia nei, oia hoi i te taeraa mai o te ma'i ri'ari'a i parauhia te ma'i Epaniola. O te hoê ia o taua mau pohe ri'ari'a ra i faaitohia i nia nei.

Ei te fenua Tinito teie ma'i ri'ari'a i haa mata'i. Mai re- ira atu to'na parareraa i te mau fenua'toa o te ao nei. Aita te mau taote i ite maitai i te huru o teie nei ma'i. Ua pohe te taata tino etaeta, te feia tao'a rahi e te feia veve hoi i te reira. Ua rahi roa'tu te taata i pohe i te ma'i Epaniola i tei pohe i te tama'i i hope a'e nei. E maha matahiti te maoro o teie tama'i, e e hoê ahuru milioni taata i pohe ia'na. E i teie nei, e hoê matahiti e te afa mai te haamataraa o te tu- puraa o te ma'i Epaniola, e e maha ahuru milioni taata i haamouhia e ana.

Te faaite mai nei te irava e, "E hope te taine no te Etene, i roto i te ui, (aore râ hoe hanere matahiti), i muri a'e i te tupuraa i te maramarama i rotopu ia ratou o te parahi i roto i te pouri, e o te îraa hoi te reira maramarama no to'na ra evanelia. Te Buka a Moromona, o te faaite i te îraa o te evanelia, ua neneihia ia i te matahiti 1830, e i taua matahiti ihora, ua faatiahia te Etaretia a Iesu Mesia i te Feia Mo'a i te Mau Mahuna Hopea Nei, na roto i te mana mau o tei ho-roahia e te Atua ia Iosepha Semita e i ta'na ra mau taeae. Teie hoi te hoê mau mea e tupu i te ui e ô mai ai te taine no te Etene, "E na faaite atu vau ia outou i teie no Ierusalema; e ia tae i te reira mahana, e haapurarahia te toea na te mau nunaa atoa, e haaputu faahouhia râ ratou; e vai râ ia ratou e tae noa'tu i te hoperaa o to te Etene anotau.

Ia tae i te reira mahana e iteahia ai te tama'i, e te roo tama'i, e aueue hoi te ao atoa nei, e aehuehu hoi te aau o te taata, e parau hoi ratou e, e maoro te Mesia e tae mai ai e e tae noa'tu i te hopea no te ao nei." B. F. S. 45:4.

I te matahiti i faaitiehia'i taua parau ra i to te ao nei, oia hoi, 1831, te faatere ra te hau Turekia i nia ibo i te fenua Kanaana. Ua mana'ohia i taua matahiti ra e, e parau hape taua parau tohu ra. I teie nei râ, ua huru ê te mana'o no te mea e, ua riro te fenua Kanaana mai roto atu i te rima o te hau Turekia, e te faatiahia nei te Ati Iuda ia hoi i to ratou ra fenua ai'a. Te faaapihia nei hoi te oire Ierusalema. Ua milioni e ua milioni te dala i haapuehia'e nei no te tautururaa i te Ati Iuda ia faatupu faahou i te hoê ai'a i Kanaana.

**A Tatarahapa o te haamou-roa-hia outou
i teie mau pohe ri'ari'a ra.**

Faaaahia ei reo Tahiti e,
Aneterea a Sedamana.

TE FAAHO'IRAA-HIA TE MAU MEA ATOA I TO RATOU RA HURU MAU.

Ia hope tana na matahiti hoê tauatini ra, e tatarahia'i o Satani i to'na ra tapearaa e e haere haavare haere oia i to te mau nunaa tei na otia e maha o te ao nei, e e ope mai ia i te tamai, e e riro ratou mai te one tahatai ra ia taio. E haere atu ra ratou na nia i te aano atoa o te fenua nei a haaati atu ai i te tiahapa o te feia mo'a, e te oire i herchia ra. A hi'o i te Apokalupo 20:7,8,9. E na roto i to te taata tamataarahia e Sataui ra e ite ai te Atua i te huru mau o to ratou ra mau aau. O te taata ra te titau i te mea imo ra, o ratou iho â ia te hi'a na mua i te faahemaraa ra. Area râ, te feia parautia hoi, e maitai noa'tu â ia ratou.

Ei reira O Mihaela, te hitu o te melahi e haaputu ai i tana mau nuu oia hoi te mau nuu no te ra'i ra. E haaputu atoa hoi te Diabolo i tana ra mau nuu oia hoi te mau nuu no te pô ra. E tia mai hoi ratou i nia e tama'i ia Mihaela e tana ra mau nuu. Ei reira e tupu ai te tama'i a te Atua rahi ra. E mairi maira te auahi mai ô mai i te Atua no te ra'i mai e e pau aera ratou o te titau i te terono nona o te parahi i nia ra.

Ei reira te diabolo e tana ra mau nuu e hurihia'tu ai i to ratou ihora vahi, i roto i te auahi e te gopheri e e ore roa hoi ratou e mana faahou i nia iho i te feia moa ra. "E hurihia hoi te feia rave hara ra i roto i te auahi pohe ore; e to ratou ra hopea aore roa e taata e ite i nia i te fenua nei, e ore roa'tu hoi e ite e ia tae mai ratou i mua i te haavaraa." B. F. S. 43:7. E te taata tahuti parautia ra, e faahuru-ê-hia ia i reira mai te amora mata ra. E afaihia te taata atoa i nia i te ra'i, no te mea, e pohe te ao nei i reira. E mai te taata pohe e faaanaanaeahia, e faaanaanaea-atoa-hia hoi te ao nei, no te mea, "Te haapao nei te fenua i te ture no te basileia tiretiera, te îraa nei hoi te faito i hamanihia ai, e aita i faahapa i te ture. No reira, e haamo'ahia ia; oia, a pohe noâ ai, e

faaanaanaea ia'na ra, e riro ei aia na te feia parautia te reira." B. F. S. 85:7.

Ua ite Ioane pīpī here i te peeraa'tu te fenua ra. Te na ô maira oia e, "Ite atura hoi au i te hoê terono rahi teatea, e tei parahi i nia ihora, pee ê atura hoi te fenua e te ra'i i ta'na mata, e aita'tura o raua e vairaa i itea. E ite atura hoi au i tei pohe ra, o te taata rii, e te feia rarahi, i te tiaraa i mua i te Atua ra; e heua ihora na buka ra: e heua ihora hoi te tahi buka, oia te buka ora ra: e haavahia ihora taua feia i pohe ra i te mau parau i papaihia i roto i taua na buka ra, i ta ratou ra mau ohipa." Apokalupo 20:11-13.

"E ite atura vau i te ra'i apî e te fenua apî; ua mou hoi tei mutaa iho ra'i, e tei mutaa ihora fenua; e aore a'era e miti." Apokalupo 21:1. E e riro ia te fenua ra mai te hi'anaana ra. A hi'o i te Apokalupo 4:6.

I muri a'e i te faaapîraahia te ra'i e te fenua, e tae faahou mai ai te Ierusalema Apî, e te Ierusalema Tahito. Ua ite Etera i te tupuraa o taua mau mea ra; te na ô maira oia e, "E e riro te hoê ra'i apî e te fenua apî; e e au te reira i te mea tahito, maori râ ua reva'tu te mea tahito e ua faaapîhia te mau mea atoa. Ei reira e tae mai ai te Ierusalema Apî; e e ao to ratou te parahi i roto ra, o ratou hoi tei mâ to ratou ahu i te toto o te Arenio; e o ratou hoi tei itehia i te toea o te huaai o Iosepha, no te utuafare o Iseraela ratou. E tae mai ai hoi te Ierusalema Tahito; e te mau taata to te reira, e ao to ratou, ua horoihia hoi ratou i te toto a te Arenio ra." Etera 13:9-11.

E toru basileia i haapaohia e te Atua ei nohoraa no te feiâ o te faaorahia ra; e e huru ê hoi te hanahana o te tahi basileia i to te tahi. Te Tiritiera, oia hoi te hanahana o te Atua ra, o te hanahana ia o te hau i nia roa. Ua papaihia te mahana o te reva nei ei taipe o te hanahana o taua basileia ra. "No ratou teie o te farii i te parau faaite no Iesu, e ua faaroo i to'na i'oa, e ua bapetitohia na roto i te huru no to'na tanuraahia hoi i raro i te pape, i roto i to'na ra i'oa —

— o ratou teie no te Etaretia no te matahiapo ra; —
 — o te roaa ia ratou to'na ra îraa e to'na ra hanahana, e e
 mau tahu'a hoi ratou no Tei Tāitei ra, na roto i te haapao-
 raia Melehizedeka ra, o tei na roto i te haapaoraa a Euo-
 ha, o te na roto i te haapaoraa a te Tamaiti Fanau Tahī;
 no reira i papaihia ra e, e mau Atua ratou, oia hoi te mau
 tamarī a te Atua." B. F. S. 76:2.

Te basileia piti ra, o te hanahana Teretetiera ia, "O te
 ore teie e au i to te Etaretia no te matahiapo i te hanahana,
 o te roaa ia ratou te îraa no ô mai i te Metua ra, oia ia mai
 te marama hoi e huru ê i te mahana o te reva nei. Inaha, o
 ratou teie o te pohe mai te ture ore; e o ratou atoa hoi o te
 mau varua taata o te vai i roto i te tapearaa ra, o te haere-
 hia'tu e te Tamaiti, e ua ao atu i te evanelia ia ratou, ia haa-
 vahia ratou mai te taata atoa i te tino nei, o te ore e roaa te
 parau no Iesu i to ratou vai-ora-raa ra, ua farii rā ratou i
 muri mai; o ratou teie o te mau taata tura no te ao nei, o te
 haapoirihia ia ratou i te ravea paari a te taata nei; o ratou
 teie o te roaa mai i to'na ra hanahana, eiaha rā i to'na ra îraa
 o ratou teie o te noaa i te aro o te Tamaiti, eiaha rā i te îraa
 o te Metua; no reira e mau tino ia no te Teretetiera nei, e ere
 i te mau tino no te Teretiera, e ua huru ê to ratou hanahana
 mai te marama i taa ê i te mahana ra; o ratou teie o tei ore i
 itoito i te faaiteraa i te parau no Iesu; no reira aore i noaa
 ia ratou te korona i nia i te basileia no to tatou Atua." B.
 F. S. 76:6.

Te toru o te basileia, o te hanahana Tiretia ia, "O te ha-
 nahana huru haihai hoi te reira mai te itiraa no te hanaha-
 na o te mau fetia i huru ê i te hanahana o te marama i roto
 i te reva nei; o ratou teie o te ore i farii ratou i te evanelia a
 te Mesia, e te parau faaite hoi a Iesu; o ratou teie o te ore i
 huna i te Varua Maitai; o ratou teie o tei hurihia i raro i te
 pô; o ratou teie o te ore e faaorahia mai ô mai i te Diaboro, e
 tae noa'tu i te tiafaahouraa hopea ra e ia hope te ohipa a te

Fatu, ta te Mesia, te Arenio ra; o ratou teie o te ore e farii ratou i to'na ra îraa i te ao a muri atu, to te Varna Maitai râ na roto i te faaiteraa i te Teretetiera nei; e i te Teretetiera na roto i te faaiteraa i te Tiretiera; e ua noaa atoa hoi i te Tiretia na roto i te raveraa a te mau melahi, o tei haapaohia ei turu ia ratou, e o tei haapaohia ei mau melahi ravera-ve ia ratou, ei riro hoi ratou i te haapaohia ei a'ia no te ora mure ore." B. F. S. 76:7.

Te vai nei hoi te hoê huru parahiraa i haapaohia no te diabololo e ta'na mau melahi, e, "No ratou tei rave i te hara pohe, oia hoi te haamaniiraa i te toto o te taata hara ore, aore râ te hunaraa i te Varna Maitai. Teie te parau a te Fatu ia ratou atoa, o tei ite i to'na ra mana, e ua roaa i te reira e ua horoa noa ia ratou iho na roto i te mana no te Diabololo, ia roaa ratou ia'na, e ia huna i te parau mau e ua aa i to'na ra mana, o ratou teie o te mau tamarii no te pohe, o ta'na i parau e, e huru maitai a'e ratou ahiri eiaha ia fanau mai; e mau aua hoi ratou no te riri o te faahapahia ia vai te riri o te Atua i nia ia ratou, e te Diaboro e to'na ra mau melahi e a muri noa'tu; o ratou tana i parau ra e, aore to ratou e matataraa hara i teie nei ao e te ao atoa a muri atu. Ua huna hoi ratou i te Varua Maitai, ua roaa hoi ia ia ratou, e ua huna atoa hoi i te Tamaiti Fanau Tahia te Metua, — — — o ratou te haere i roto i te roto auahi e te Gopheri, o ratou e te Diabololo e ta'na ra mau melahi, ei nia ia ratou ana'e ra te mana o te piti o te pohe; e oia mau o ratou ana'e te ore e faaorahia i te taime i haapaohia e te Fatu, e reva ana'e ratou i te faautuaraa mure ore i te vahi e ore e pohe ai te toe, e ore hoi te auahi e tinahia, o to ratou ia mamaeraa; aore roa e taata i ite i te reira hopea, aore râ te reira vahi aore râ to ratou manui, maori râ o ratou o te faarirohia ei farii i te reira. B. F. S. 76:4.

E mea iti roa te parau i heheuhia mai ia tatou o te fraite ia

tatou i te huru o te mau mea e tupu i muri a'e i te faaapîraa-hia te ao nei i te hopea ra. Ua ite râ tatou e, e faaineine te Atua i te mau ravea, e maitai atu ai te taata, ia nehenehe ia-'na ia haere i mua'tu â i roto i te ohipa paari a te Atua ra.

Papaihia e,

Gerena Hubarada, raua Aneterea Sedamana.

TE AROFA NO ERANETA a ROSITERA.

I te avae ra Atete ua farerei maira to tatou taeae pereziteni no te Etaretia a Iesu Mesa i te Feia Mo'a i te Mau Mahana hopea nei, i te mau fenua moana nei, ia matou, te mau taeae rii no te Amaa i Marokau nei, e ua faaite maira i te huru o to'na tere i rotopu ia matou, oia hoi, e farerei haere i te mau taeae i te mau Amaa hou to'na revaraa i to'na fenua fanauraa.

Ua na ô maira oia ia matou, "O to'u teie farereiraa hopea ia outou, a reva'tu ai au i to'u fenua. E tae mai te hoê mono no'u, o Leone to'na i'oa, e mauruuru outou ia'na."

E ua tupu to matou aroha e te oto aau e ua faaineine matou i te tahi mau aroha rii na'na, e ua faatamaa matou ia'na, e paia'era ua ni maira oia ia matou, "Ehia o outou utuafare? Ua faaitehia'tu te mau utuafare, e ua na ô maira oia ia matou, E vaiiho Vau e vau pute faraoa na outou, o to'u teie Aroha hopea ia outou na."

I to'na revaraa ua vaiiho mai oia i to'na tapao aroha ia matou e vau pute faraoa, e ua farii ia matou i te reira. Ei na mahana i muri mai ua haaputuputuhia te mau taeae e uiui i te mana'o no taua tapao aroha ra, e ua iteahia te mau mana'o, oia hoi, e vaiiho taua tapao aroha o te peresiteni no te oroa i te Atopa i mua nei.

Ua faarahi roa hia taua aroha ra e te mau taeae e te mau tuahine no te faaroo e te mau taata hoi no rapae i te

Etaretia i te tautururaa i te tahi pae maa i mana'ohia no te amuiraa. I te ono no Atopa ua haapaohia e toru pureraa e hoê haapiiraa. I te hora vau i te poipoi e pureraa Antahuaraa ta matou, e te hora hoê ahuru, e te hora toru i te ahiahi, na te taatoaraa ia, e i hora hitu i te po e haapiiraa.

I muri a'e i te pureraa avatea ua faaiueinehia te maa i te aroa no te fare pureraa, e ua faaite mai te mau taeae i te peresiteni Amaa e te Antahuaraa, ua ineine te maa.

Ua tia Pahoa, peresiteni no te Amaa, i nia, na ô atura, "Ua mauruuru vau i teie taime no to outou fariiraa mai i te oroa i haapaohia no teie Atopa, e teie tapao aroha no to tatou peresiteni, Eraneta ia, o ta outou i mana'o e, e vai iho mai no teie Amuiraa."

Ua faaravaihia e outou, taua araha o te peresiteni ra e e mauruuru oia ia faaroo i te reira. Ua tuuhia ia ferurihia e te mau taeae e ua faaotihia, e opere taua tapao aroha o te peresiteni ra i te mau taata atoa noa'tu te haapaoraa. E ua amu matou atoa, mai te mauruuru rahi, i taua Aroha ra.

Papaihia e te mau taeae no te Amaa Marokau.

Pahoa a Tahiaroa.

Tane a Tetumu.

Kuranui a Fakapeka.

Tamatoa a Tane Tetoko.

Mau Parau Apî

Ehia toni te faito o te ao nei. Teie ia, oia hoi, e 6,000, 000,000,000,000,000,000 toni. E mea teiaha e ere anei? Te faaite mai nei te hoê mau taata paari o tei imi i teie numera e, "E ere ia i te ohipa rahi ia faito i te ao nei. Te vai nei te hoê machine ia ratou, e na taua machine e faaohie i taua ohipa ra.

E hura ore te tupuraa o te ma'i Epaniola i te mau oire rarahi o te fenua Marite. I te tau toetoe i mairi a'e nei e mea rahi roa te taata tei tupuhia e tei pohe i taua ma'i ri'ari'a ra. Aita â te hoê raau tano maitai i taua ma'i, i itea. E 25,000 dara te rê, e horoahia i te taata o te faaite i te hoê raau e ora'i te taata o te tupuhia i taua ma'i ra.

Ua hamanihia'e nei te hoê pahi reva apî no te faautaraa vea no te hau Marite. I to'na tere matamua mai te oire rahi (Washington) i Niu Iokâ, ua afai taua pahi reva ra, e 30,000 rata. E 218 maile te atea, mai Niu Ioka i Washington, e e 93 minute i pau i to teie pahi reva tereraa, mai te tahi oire i te tahi. E piti maile, e tiahapa rii i te minute hoê. E ere tere to taua pahi ra.

Ua faatia te Piha no te Mau Iriti Ture, no te hau Marite, i te moni ra, e 500,000 dala, ia haamauahia no te tama'i-raa'tu i te ma'i Epaniola.

Teie te moni i noaa i to California no to ratou mau vine maro no te matahiti 1919, oia hoi, e 38 milioni dala, (38,000,000, dala).

Ua itea'e nei te mau ivi no te hoê ophi rahi no te hoê anotau tahito roa. E pererau hoi to taua ophi ra. E 16 avae te roa mai te hopea o te tahi pererau i te hopea o te tahi. I te tufaa fenua Kansas, i Marite, te iteraahia taua manu huruê ra. Te parau nei te mau taata paari e, e hoê milioni matahiti i mairi a'e nei, o te tau ia, i ora'i taua ophi ra.

Ua ati faahou Europa i te hoê ma'i ino roa. Ua parauhia taua ma'i ra, te ma'i opatapata.

I te 6 no Mati, i reva'tu ai o Gelena Hubarata e o Latimera e to'na vahine o Roti, na nia i te "Moana." E hoi Gelena i to'na utuafare i Utaha. E rave Latimera raua Rosi i te ohipa orometua i te fenua California.

L. H. KENNARD Jr. , Imprimeur, Rue Brea et de la
Rue Dumont d'Urville, Orovini, Papeete, Tahiti.
